

IZVJEŠTAJ O RADU UDRUŽENJA u 2019. godini

1. U utorak 29.1.2019. godine održana je promocija knjige „Dobrovoljni vatrogasac u Solani Kreka - Rudolf Zamboni“ autora braće Tihomir i Željko Knežiček. Knjiga opisuje životni i profesionalni put Rudolfa Zamboni koji je cijeli životni vijek bio dobrovoljni vatrogasac u Solani u Kreki.
2. Dan nacionalnih manjina u Tuzli održan je u sali Pozorišta 7.2.2019. godine. Tradicionalne italijanske melodije, bez muzičke pratnje, pjevala je Mirjana Beba Čaušević, a mini-štanđ za prezentaciju udruženja postavili Željko Mott i Tihomir Knežiček.
3. Završna svečanost projekta „Promocija nacionalnih manjina u Gradu Tuzla“ je održana 21.3.2019. u Dramar centru Tuzla. Promovisana knjiga “Tuzlanske nacionalne manjine” urednik Knežiček. U okviru projekta snimljen je dokumentarni film o manjinama u Tuzli. Ispred Italijana u filmu su izjave davali Gordana Segat i Tihomir Knežiček. Nakon promocije knjige i filma, upriličena je gastronomska ponuda tradicionalnih jela nacionalnih manjina. Za izuzetnu gastronomsku ponudu Italijana pobrinule su se Berislava Mott i Mirjana Čaušević koje su pripremile neka od karakterističnih italijanskih jela.
4. Gradonačelnik Tuzle Jasmin Imamović i njegov stručni tim predvođen Svjetlanom Kakeš (porijeklom Michellini) posjetili su gradonačelnika Trenta radi unapređenja saradnje u pogledu koncepta Smart City. U koordinaciji posjete pomogli Nicole Pendić i Tihomir Knežiček. Gradonačelnik se u Trentu sastao sa Nicole Pendić 11.4.2019. godine.
5. Willi Daldon je potomak tuzlanske obitelji Daldon koji živi i radi u Italiji. Sin je Emila Daldon, vodoinstalatera, koji je iz Tuzle otišao u Italiju i tamo proveo život. Willi Daldon je posjetio Tuzlu 12.4.2019. godine i kao poklon članovima udruženja donio kartov vina iz Trevisa.
6. Komemoracija u povodu 10 godina od pogibije Rine Zandonai, i njegovih kolega Giovanni Battista Lenzi i Luigi Zortea održana je 31.5.2019. godine u večernjim satima. Završena je oglašavanjem „Zvona za poginule“. Na komemoraciji su prisustvovali članovi obitelji poginulih, lokalni zvaničnici, veliki broj članova Trentini nel mondo i članovi udruženja „Rino Zandonai“ Tuzla.
7. U nedelju 18.8.2019. godine na Sarajevo Film Festivalu prikazan je dokumentarni film "Kad nas je manje". Dokumentarni film ilustruje položaj pripadnika nacionalnih manjina u BiH a rezultat je projektnih aktivnosti Vijeća Europe u Bosni i Hercegovini. U filmu, pored brojnih aktera, učestvuje i Tihomir Knežiček kao pripadnik italijanske nacionalne manjine.
8. Udruženje realizuje projekat izrade knjige o tuzlanskim Italijanima koji finansira Ministarstvo za ljudska prava i izbjeglice BiH. Projekat ima za cilj izradu publikacije koja je promovisana u Tuzli 1.9.2019. godine u Centru za kulturu Tuzla. Knjiga pod nazivom “Italijani u Tuzli 1880-2019” na 460 stranica obuhvata 26 italijanskih obitelji – Allasia, Andriussi, Bancher, Battista, Broch, Candotti, Cordignano, Daldon, Dorighi, Drusiani, Fontan, Gojo, Grotti, Menegoni, Michellini, Montibeller, Mott, Orlando, Papinutti, Piccolotti, Rossi, Sciocci, Segat, Soravia, Toson i Zamboni
9. Održana manifestacija 1.9.2019. godine pod nazivom Decenija dana italijanske kuhinje u Tuzli. U povodu jubileja, kompaniji Menprom tj. Mensuru Aliću dodijeljeno priznanje i poklon – grafika Seada Emrića.
10. Udruženje dobilo sponzorstvo PARTNER mikrokreditne fondacije kao podrška aktivnostima promocije knjige i obilježavanja decenije dana italijanske kuhinje u Tuzli.
11. Udruženje realizuje projekat „Kultura u pokretu“ koji finansira Ministarstvo kulture TK sa ciljem organizacije filmskih projekcija o različitim nacionalnim manjinama. Filmovi će biti prikazani u oktobru 2019. godine u Galeriji Mandžić.
12. UGIP „Rino Zandonai“ Tuzla održao godišnju skupštinu 31.8.2019. godine u 13.00 u prostoru Centra za kulturu Tuzla, Međunarodna galerija portreta Tuzla. Razmatrani izvještaji o radu Udruženja za 2017, 2018. i 2019. godinu, kao i plan rada za 2020. godinu.
13. Realizovan program fonda solidarnosti za članove udruženja. Sredstva podrške obezbjeđuje provincija Trento, a procjenu socijalnog statusa radi socijalni radnik angažovan ispred udruženja.
14. Predsjednik učestvovao u radu Vijeća nacionalnih manjina BiH.
15. Trentini nel mondo podržali aktivnosti Dana italijanske kuhinje u Tuzli.
16. Predsjednik udruženja prisustvovao sahranama članova udruženja.
17. WEB stranica udruženja se redovno održava, i povremeno se stavljaju obavijesti na facebook grupu Tuzlanski Trentini.

FINANSIJSKI IZVJEŠTAJ za 2019. godinu

Udruženje je uredno prijavilo godišnji obračun za 2019. godinu kod nadležne FIP Tuzla.

Bilans uspjeha pokazuje rezultat primitka sredstava u iznosu od ? KM.

Bilans stanja pokazuje iznos sredstava koji je ostao na raspolaganju 31.12.2018. godine: a to je ? KM.

Sredstava kojima raspolaže udruženje su sredstva iz projekata koji se realizuju često i tokom dvije kalendarske godine, pa u finansijskim dokumentima se evidentira trenutno stanje raspoloživosti finansijama sa 31. decembrom tekuće godine.

Kao i svake godine, izvori sredstava su projektni fondovi uglavnom domaćih donatora. Sredstva socijalne pomoći se ne realizuju preko računa Udruženja nego se isplate vrše direktno na račune korisnika. Udruženje nema poreskih dugovanja.

PLAN RADA UDRUŽENJA

ZA 2020.

1. Udruženje nastavlja sa održavanjem tradicionalnih manifestacija (Dan Italijanske kuhinje u Tuzli).
2. Okupljanja i druženja članova udruženja.
3. Nastavlja sa održavanjem WEB stranice udruženja.
4. Nastavlja sa realizacijom programa socijalne pomoći.
5. Nastavlja se saradnja sa udruženjima Italijana u BiH, i sa drugim udruženjima.
6. Aplicira na projekte gdje može ponuditi kvalitetna projektna ideja (Ministarstvo za ljudska prava i izbjeglice BiH, Grad Tuzla, Ministarstvo kulture TK).
7. Prikupljanje članarine za period 2015. do 2020.
8. Učešće na skupovima koje organizuje Trentini nel mondo.
9. Priprema finansijskih izvještaja za 2020. prema AFIP.
10. Promocija kulture i zaštite kulturno historijskog naslijeđa Italijana u Tuzli.
11. Presentacija mogućnosti za boravak mladih u Italiji (boravak u obiteljima, školovanje, sportski susreti).
12. Nastavak saradnje sa Trentini nel mondo.
13. Učešće u radu VNM BiH i VNM Tuzlanskog kantona.
14. Saradnja sa medijima i medijski nastupi.